

芙蓉山館全集

楊蓉裳先生所著詩文及身付刊先後有三本自少至謁選爲  
真率齋初彙詩十卷詞二卷筮仕甘肅沔戶曹爲芙蓉山館詩  
彙十六卷詞彙四卷罷官後主講關中書院卽前兩本刪併之  
益以續得刊詩八卷補一卷詞二卷集句詞一卷概以芙蓉山  
館名集不曰彙而曰鈔是爲晚年手定之本與文鈔並行被兵  
後諸版盡毀流傳日希今茲所輯一依關中定本無少移易惟  
文鈔原未分卷釐爲八卷綜名全集而兩本刪落不與焉助余  
斟讎者裴葆良廷梁曹械卿無尤翰臣桐陸秋查鴻祥及先生  
族孫厚甫應培書成用志緣起如此至先生詩若文海內學人  
都能道之原序具在故勿贅光緒辛卯夏六月無錫劉繼增

無錫匡寶才集字排印

各本原敘跋

昔鈍翁言詩有臺閣之體有山林之體磊落華贍臺閣之詩也  
悲噓憤慨山林之詩也爲臺閣體者宜貴宜大宜設施爲山林  
體者宜不偶宜無所表見信斯言以言詩將置爲兩戒區爲兩  
人離而不可相兼矣且何以處夫非山林非臺閣者歟夫山林  
臺閣時之異也所以爲詩則豈有異哉譬之水其出於山也湧  
而爲濫縣而爲沃仄而爲沕其運於海也朝而爲潮汐而爲汐  
大而爲瀾小而爲淪求之於水蓋一而已矣發之有原匯之無  
盡由是因物賦形將怪變百出弗可勝紀也兩體之云豈通論  
歟楊子襄裳於學無不識於才無不能落筆爲詩歌時而悲噓

憤慨焉時而磊落華贖焉山林臺閣之體雜然出之所爲因物賦形不可以一端求者也年弱冠以貢來於都世之交於君者望其人道然以喜叩其學肅然以敬及覽所爲詩若河伯之面海茫洋咤歎適適然驚規規然自失謂君非山林中人將揆其才華以揚光臺閣也試於 廷當爲令於甘肅將行出真率齋初囊示余余讀之若元虛賦海景純賦江所謂天吳馬蹏閃屍髣髴雲精水碧焞曜頽彩者嗚呼偉矣君今進不得居臺閣而膺百里之寄亦非山林者比且甘肅界窮邊風沙蒼莽山谷岨絕番戎所據北涼西夏所都魁奇人傑橫戈百戰之地往而開拓心曾發皇聞見悉其學與才以見於詩山林臺閣之語益不

足以限君也已君弟荔裳兄方叔永叔咸以異才崛起東南而  
賢伯笠湖先生世推爲通儒長者皆辱余交善也君承家學與  
兄弟相師友蓋猶江海之水源所從來遠矣又有分支異派匯  
其波瀾而增其氣勢將見放搏桑泄尾閭可量其怪變百出也  
哉戊戌七月朔日青浦王昶序

眞率齋  
初集序

僕與蓉裳楊君託膠漆之密契有葭莩之世親距負而蚤趨蟲  
鳴則蠡躍淄澠同器笙磬共音中心藏之爲日久矣乃者裏所  
述作餒其詩歌授簡鄙人俾爲之序夫良玉旣剖不待卞和之  
泣血也利劍旣躍不待茂先之望氣也僕學無淵源詞乏文采  
而稷下杜口早聞魯連之談東隣捧心先識西施之貌情在於

是烏能無言君秉氣英淑資材經奇襟披蕙風袂灑蘭雪清談  
而隼屑如鋸列座而無衣不寒徙倚永日移魏收之胡牀沈冥  
下帷銳管簞之木榻儿汲冢斷簡龍威祕文夷吾所知者七十  
二代曼倩能誦者二十萬言度以陸公之厨貯以邊韶之笥胸  
咽丹篆掌盈墨書並遺糟粕噉菁華笙簧六經肴核百氏故其  
所作如威鳳五色仙韶九光錦巔繽紛花葉麗籥然龍燭以照  
海建翠旂以翳天聞者動心觀者眩目予季父響泉先生每曰  
暮齒之才可云秀絕寔區庾蘭成之麗藻目以清新揚子雲之  
瑣詞謂之淡雅別有真賞不同妄歎也憶在弱冠卽罹屯災王  
哀廢其藝我原憲藝其藜藿耕石不富食糠何肥時則願爲博

士讀元家之異書將游大人挾齊客之鳴瑟或割瓊以遺江革  
或倒屣以迎仲宣見說雖孤憤願與同遊諷游山九吟幸其並  
世人思薦禰衆共推羊雖未能問道璇華校書天祿而方襲裾  
以謁吏部旋束帶以從督郵仄聞仕宦之鄉是昔要荒之服天  
高日澹地古沙平弱水西流黃河東走馬嘶風而噴玉雕隄野  
而生雲君於是時飫黃羊之饌擁青兕之裘弦邏迤之槽酌蒲  
桃之酒此閒才子不異從戎何事參軍但工蠻語必且以兒女  
之情挾幽并之氣陽關三疊甘州八聲混沌高歌防風起舞他  
日者傳之以一雙黃鵠遞之以千里明騶當使曲中楊柳倍覺  
風流塞上焉支別增顏色耳茲有事於剖珠恐見譏於倚市而



君方以廣忠益集參稽夫豈海神匿迹堅避蠶工長康隱形見  
欺蟬葉所可同日而語哉況乎一別千里相思各天尋君紫邏  
畏逢吹夢之風寄我翠鷺慮有沈波之字冀此懷衷如聆音聲  
是又僕一人之私而與君兩得其願者矣祖帳將設離樽欲傾  
聊書所懷并以爲別己亥正月望日顧敏恆序

眞率齋  
初臺序

眞率齋初臺者廷錫伯父蓉裳公少時之作也公宦甘肅又有  
芙蓉山館之刻世但知芙蓉山館而不知有眞率齋可不惜乎  
此版本藏於家戊子歲余自蜀歸里求此書不可得時時有念  
於心又四年偶翻閱故架見此版尙存取舊之藏者校對闕數  
十葉乃重補正刷印傳布噫公之志才克盡公之才無遠近人

人無不知讀此詩者宜於濃豔中求其澹華贍中求其逸磊落  
奇肆中求其和勿徒謂驚才絕豔忘作者本意也橐以真率齋  
名者齋在邑城北爲廷錫高祖聲毓公讀書之所示不忘祖也  
曰初橐者蓋將有以續之也竊謂欲觀公詩必自初橐始爲述  
其大概且喜其版之全謹爲文以誌幸猶子廷錫

真率齋  
初橐成

義山於詩喜少陵而所作不似杜山谷於詩喜少陵而所作亦  
不似杜然後世稱晉學杜者莫如義山山谷何也則真與僞之  
辨神與形之說也今之稱能詩者大都以剽竊漁獵見長求所  
謂牢籠萬象變化一心者十不一覩豈知喜怒哀愉必實有其  
不容已於中者而後發爲文章足以使人激發甚矣詩不可以

三才集卷之三  
四  
僞爲尤不可以形似歟梁溪楊蓉裳農部嘗年與其弟荔裳方伯以詞賦雄東南農部由諸生貢成均試高等官甘肅二十年甚著功績昔袁簡齋前輩書來稱其才且賢又於洪稚存趙味辛孫淵如暨荔裳所見其所作詩文心賞其工然實未覩其人亦未嘗見其全集也茲來京師一見如舊相識復承以詩集委余校勘獲卒業焉君於詩固喜少陵者也反復讀之不似杜井不似義山山谷乃知君善學杜井善學義山山谷矣昔人有言曰秦音亢厲吳音靡曼此其性然也今乃欲盡變其生心之音使越無吟齊無謳楚無歌而俱操爲秦聲吳聲則其僞亦甚矣君生於吳而宦於秦詩則工於諸體而皆出之以真又能神明

規矩不沾沾法古而古人之妙盡有就今所詣已將於義山山谷之間高置一座況日進而不已耶嘉慶六年冬月年愚弟法式善拜序

芙蓉山館  
詩彙序

伯父蓉裳公著芙蓉山館古今詩詞駢體文若干卷公手訂也公少時曾刻真率齋詩詞其後主講關中書院因門下士之請乃綜核生平之作刻於關中公之詩文久已推尊藝林人爭先睹爲快公嘗自比於唐李玉溪有四同三異之分其門人周君勤雲蒼書云方之義山似爲過之駢四儷六已足駕庾追徐斯言甚不誣也公少受知南昌彭文勤公青浦王蘭泉先生一見有國士之目後受業於袁簡齋先生一時若洪稚存黃仲則孫

淵如方子雲諸先生號海內之能詩者公與之唱和角勝故簡齋先生詩有云毘陵星象聚文昌洪顧孫楊各擅場者也此版向存家中零落顛倒先兄伯夔宦薊州牧乃取而補刊之猶憶戊戌歲錫嘗補刻公真率齋詩詞以應四方之求辛丑春先兄沒此版復歸自家乃爲刷印傳之海內公嘗自輯年譜一卷簡齋先生詩文補箋六代三唐駢體文鈔三家詞選芙蓉山館尺牘彙其如干卷俱未鐫今藏家中至公生平宦蹟言行有墓表與傳可考茲不載今以其版之歸謹序其由俾我後昆珍重愛惜世守而寶護云道光癸卯孟冬陽月猶子廷錫謹識於古懽

書屋

芙蓉山館詩詞

文鈔跋節錄

增錄

無錫金匱縣志

文苑列傳

楊芳燦字蓉裳乾隆四十二年拔貢生 廷試一等知伏羌縣  
直回民田五滋事圍伏羌芳燦誅內應數人城守五晝夜援至  
圍解擢知縣州縣入貲爲戶部員外郎與修會典丁母憂歸主  
講關中旋修四川通志卒於蜀芳燦工詩及駢儷文才豔絕一  
時與同郡洪亮吉孫星衍同邑顧敏恒齊名守伏羌時按察使  
王昶賦詩飛達圍城芳燦援筆和之其整暇如此子變生以雄  
縣丞累擢知薊州亦有才藻尤長於填詞

傳

陳文述

君名芳燦字蓉裳一字才叔江南金匱人以拔萃科試高等選  
甘肅伏羌令擢靈州牧入京爲戶部員外郎以母憂歸卒於蜀  
君天姿英敏年甫冠所爲詩文已爲藝林所重與弟荔裳有二  
楊之目及官伏羌卽值田五之變田五者回民之譎驚者也聚  
石峯堡以復新教惑衆謀作亂未期而事洩遂由海城攻靖遠  
破通渭戍都統參將於高廟山合數萬人攻伏羌伏羌當秦隴  
之衝城中回民雜處君外輯軍民內杜閒諜獲馬中驥等數人  
誅之其長者君拊循激勸咸願助君堅守居民以回也疑之君  
曉以大義民與回遂和孽盡甫定而賊大至君隨機宜設方畧  
應之與下同甘苦當矢石之衝者四晝夜援兵至圍始解賊不

得越伏羌而東乃退守石堡會大將軍阿公制府福公統禁旅  
至秦蜀兵亦先後雲集築長圍以攻遂破石堡是役也非君以  
死守扼其衝必蔓延四出不可驟定論者比之睢陽玉壁焉事  
平論功擢靈州牧時荔裳已由中書舍人從大將軍福公征廓  
爾喀與君遇於靈州逾年軍事平荔裳以觀察擢甘肅藩司君  
例應引避不樂外任乃入貲爲戶部員外君故工駢體文及官  
京朝多暇日所爲文益宏整典重京師有大著作必假君手君  
有請必應文不加點日常數千言輦下數才人者君爲舉首後  
生寒賤多被容接士論翕然歸之樂修會典克舉其職會荔裳  
卒於蜀太夫人繼逝君乃南歸君之歸也貧無以自給則西之



秦主講關中書院者數年繼又至蜀客蜀者又數年修四川全省通志會季弟羅裳令安縣遂至安邑以嘉慶乙亥卒於安縣年六十三君與人平易無疾言遽色而外和內介生平未嘗有失德文人之敦行者莫君若矣所著有真率齋壁龕詩山館詩詞文全集若干卷行於世餘所著未刻者多藏於家子二夔生官薊州牧麟生以嗣從兄掄後房山縣丞女三一適同里秦承霈天津同知一適閩縣龔瑞穀睢甯通判一適餘姚張嗣癩四川劍州牧

陳文述曰予之識君也在辛酉春以計偕留京師先後與君過從者五年君怡聲緩步使人浮氣皆斂而身居園城乃思義奮

發徇敵全城爲國家保障洵賢者不可測矣君弟荔裳以書生  
從軍絕域勒銘二萬里外及官蜀適白蓮教不靖與軍事相終  
始所著桐花吟館詩與兄媲美季弟蘿裳亦有文名長於倚聲  
論文人者推君與諸弟其不易及哉

### 墓志銘

陳用光

君諱芳燦字才叔一字蓉裳姓楊氏常州無錫人曾祖宗濂祖  
孝元父鴻觀三世皆以弟揆官甘肅四川布政司 晉贈如其  
官曾祖妣馮祖妣顧倪妣顧皆 晉贈夫人顧夫人夢五色雀  
集庭樹而生君君生七月而能言君大父特愛之長而詩文華  
瞻見稱於老宿年十九補縣學生冠其曹鄉試罷歸應學使者

試彭文勤公大異之以已主試時失君爲悔也文勤竣學使事  
將受代君方居父憂招君問家世昆弟遂以兄女字君之弟揆  
君兄弟三人君爲長次揆以召試 賜舉人歷官至四川布政  
使次英燦今爲四川安縣知縣君旋以選拔貢生應 廷試得  
知縣分發甘肅審攝西河環縣旋補授伏羌回民田五爲亂起  
石峯堡伏羌回民馬稱驥應之未發君先期旣募鄉勇爲防守  
會馬映龍白中煒馬宏元以稱驥之謀告君立捕殺稱驥四人  
方請兵而賊至君率映龍中煒宏元偕鄉勇登陴守五日夜兵  
來與賊比日戰圍始解映龍稱驥甥也君能得其心與其守又  
嘗脫李五於獄而使之迎官兵言狀李五果得銀牌還君治縣

溫溫若不任事者坐堂皇訊事罷卽手一編就几讀人或以爲笑孰知其臨變敏決若是初蘇四十三之亂獄詞連伏羌人大恐君請於提刑曰馬得建等饋銀在蘇四十三未爲亂前與從逆者有閒請量從末減於是家屬悉得免緣坐及石峯堡事平賊首張文慶于太懣映龍之洩謀曰映龍固與吾父通音問其助守城欲於五日後獻城也阿文成逮映龍至靜甯君與偕往言於文成曰映龍欬獻城曷爲以其謀告且伏羌無兵鄉勇皆烏合衆亦無俟五日後力始竭也文成曰彼非馬得建子耶君曰彼固以得免緣坐時時與某言涕泣思得當以報公也文成以爲然立命出之獄嗚呼此又足以見君之神而明其定亂出

圍城非由倖致也君後雖以守城功擢知靈州嘗單騎諭散奪  
米飢民請借口糧設粥厰以安眾大吏亦甚知君才矣而自念  
家世本儒術不樂爲外吏遂入貲爲員外郎居戶部興築會興  
辰入申出專力於館書歸則擁書縱讀益務記覽爲詞章君詩  
出於義山昌谷而自成其體又工駢體文嘗語用光曰色不欲  
其耀氣不欲其縱沈博奧衍斯儷體之能事也君旋丁顧夫人  
憂資不能治裝鬻書以歸爲衢州杭州關中書院山長者數年  
最後入蜀修四川通志主錦江書院山長乙亥冬省弟於安縣  
十二月二十一日以疾卒於安縣署中距生乾隆十八年十二  
月十八日享年六十三妻徐宜人子二承憲承惠承惠以後君

世父潮觀爲家孫承憲娶沈氏生子一應龍承憲娶趙氏生子  
一應融女三長適今景州知州蔡承需次適今臨清州州判龔  
瑞穀次適候選通判張嗣敬承憲工詩詞能承其家學以狀來  
屬爲君志幽之文乃敘次而銘之銘曰

謂君當儒兮靖紂疆謂君當顯兮潛郎署以暫居與余遊處兮  
蚤倚驢旣別去兮余懷孤過大梁兮重過余雖暫覲兮喜摻袂  
黯蜀山兮雲飛徂遠君之鄉兮孰與爲娛招子雲兮攀相如庶  
一見而慰君兮歸委蛻於磬湖

墓表

姚椿

公諱芳燦字才叔江蘇金匱人自其少時警敏劬學爲詩文若

夙成者年二十以選拔貢生特用知縣公爲諸生久有聲譽始入都公卿人人爭欲識之先是辛卯歲試江甯僂得復失學使者以爲大恨及是則書尼其行鄉人亦多言宜改就教職者大理寺卿王公昶獨曰擇官而仕古人所非縣令百里所寄任亦匪輕要在賢者努力爲之耳遂就吏部選籤掣得甘肅至則補伏羌縣甘肅外毗新疆二萬餘里諸大臣絡繹出入地瘠而事殷大吏以下相與爲回邪匿冒國帑餼饜私欲公至不肯附和亦不爲齟齬之行凡所諮畫悉濟於公然其後猶以虧空事被累乾隆四十六年四月安定回民馬明心倡立新教布政司誘而執之其黨蘇四十三等遂反事平論伏羌民馬得建等十六

家斂銀以圖訟論如逆公曰得建等事在未反前與從逆有閒  
宜末減免者百餘人其後二年四月逆回田五闢於石峯堡公  
先事籌備賊得不擾賊掠固原靖遠安定諸縣城中馬稱驥等  
約爲內應其黨映龍首發之城被圍五日援兵不至公內殲外  
擄賊夜勦勦亦會總督兵適至遂誅稱驥賊遁去方圍城時公  
戲笑鎮定從容賦百韻詩寄按察使王公王公報曰吾料君必  
能辦賊今果然矣王公卽向勸公就縣令者也大將軍旣平賊  
賊黨誣映龍先約五日後獻城會兵至不果乃訊於靜甯公與  
偕往謁大將軍曰首發內變者映龍也如約降何肯舉發且獻  
城必於五日後者云俟守者力盡耳伏羌向不治兵民夫輩皆



烏合城至卽獻城耳何必五日大將軍意解曰映龍故得建子也且令能保之耶曰非獨令伏羌同城守者皆願保之且映龍幸得建事不緣坐時時感泣此固所以報也遂出之獄公他日謂人曰明陳子龍招降許都而不能免其死嘗以爲恨然都固叛逆者映龍助予守城首發內應而枉誣以死何以對隴西人士乎論功擢靈州知州其後公弟揆來爲甘肅布政使公當迴避乃用新例入爲戶部員外分發廣東司行走爲會典館纂修官公卿多知公者而公延攬才士微藝必錄爲詩文援筆立就人人滿所欲以去公性淳篤孝友忠信爲縣令時人有求者未嘗顯斥笑謝之而已子弟輩或譏彈它人詩文輒愀然曰彼

能讀書好爲詩文所以樂就我也奈何薄之耶人或負之他日  
待其人如初在甘肅勵文學首拔周爲漢陸芝田於眾中生平  
慕李商隱謂有四同三異而爲漢稱公以爲過於商隱者三事  
知公者以爲知言公以入蜀修通志卒於安縣年六十三其世  
系子姓俱存埋幽之文故弗著著其生平志事云

芙蓉山館全集附錄畢

姱容修態麗而不奇不卻羅綺亦調鉛脂  
汜人別怨湘娥古悲  
瓊臺曉霞萬花離離雲衣羽裳翩何來  
遲揚袂轉喉比竹彈絲  
靈璫八音華燈九枝抗手千古玉溪我師

嘉慶彊梧單閼陽月既望芙蓉山人識

卷一 古今體詩八十四首

卷二 古今體詩八十六首

卷三 古今體詩八十一首

卷四 古今體詩六十七首

卷五 古今體詩六十六首

卷六 古今體詩七十八首

卷七 古今體詩七十一首

卷八 古今體詩一百十首

補鈔 古今體詩七十六首

詞 增

卷一 詞一百三首

卷二 詞九十三首

增鈔 詞三十二首

移箏詞三十二首

芙蓉山館詩鈔目錄

芙蓉山館詩鈔卷一

金匱楊芳燦蓉裳著

採蓮曲

採蓮女玉腕輕搖艣翠鈿紅裏湖中流中流蓮花過人頭棹歌  
驚散鴛鴦愁鴛鴦愁入花去兩相思兩無語

寓言六首

寶帳芙蓉氣若蘭那堪開晚怨芳殘汝南小女原名玉洛下才  
人舊喚檀憐母日多憐婿少嫁雞事易嫁鸞難蓬山咫尺稀消  
息擬遣青禽鬪羽翰

桑葉城南五馬留日高丈二照珠樓餘香銷盡寒金獸畫漏傳

來響玉虬月姊獨眠虛顧兔天孫隔歲望牽牛神仙猶自嗟離  
別碧海黃塵一樣愁

蜃胸鰕箔鬱金裳挂鏡珊瑚爛熳光仙客幾年逢鳳女孫枝何  
地覺桐郎影嬌半掩含風扇歌緩全飛卻月梁卧後清宵饒悵  
望繡衾辜負綠熊香

珠珮犀簪不受塵無心同踏斷腸春空裏鴛幙窺香掾漫挽羊  
車嫁璧人黛筆難描眉際恨銀鐙自照夢中身武陵溪上潯河  
水到否雙魚白錦鱗

花滿瑤階春滿城銀雲櫺櫺月朧明綵鷺十二銜青綬飛雁千  
雙上錦箏曲院游絲繁短夢文窗小管理閒情可憐寂寞瓊樓

畔誰聽嬌獮玉鳳聲

雨美何時共比肩  
霞箋恨字寫蠶眠  
可憐日煥風輕候  
不到紅愁綠慘邊  
檀暈欲融收墮珥  
蘭膏初試貼新鈿  
胭脂滙畔船應到  
西子今當未嫁年

偶興

寂寞雲亭掩薜蘿  
年光如水易蹉跎  
清秋風物繁華盡  
才子文章感慨多  
夜半雞鳴抽劒舞  
鐙前酒醒擊壺歌  
所思遠在瀟湘渚  
欲贈瓊英奈晚何

野眺

獵獵晚風勁寒空  
作微雪延頸望八荒  
撲面氣凜冽草枯殘  
燒



明木落亂山缺鳥語因寒悲人迹向暮絕野煙聚爲雲空中自  
升滅心隨飛蓬轉愁共層冰結塞北斷家書江南驚令節登臨  
發長嘯憂端不可輟

七夕

天風吹月明飛度銀沙城今夜長河側應聞鸞鳳鳴華雲納綺  
閣雌霓結玉楹龍箱藏舊錦河鼓發新聲車轉行初進笙調曲  
乍成青鳥聞峯頭元波紫貝浮洞庭嬖杵動縹山喬鶴留煙光  
迎斗指漢影帶星流繫釵連愛縷穿鍼百子樓倡棋盼迢夜  
闌遣遠愁同心何繼繼珀盞屠蘇滿臂寒羅裏長鬟重嶽鬢短  
龍文金錯刀鳳翼參纏管梧庭綠穗垂蓮浦紅衣散三更望牽

牛高空目應斷涼氛透綺櫳嬌轉滿庭中逡巡盼仙轂禱祝託  
微風細文雲子纈結縷鳳兒紅鴛鴦綠茵冷翡翠錦屏空安得  
靈槎泛遙將碧海通蟾光不可掃簾卷秋風早踏翠廣陵散鈿  
笛臨江調筵前歡會合花下聽語笑願乞九華丹青髓長美好  
蚪箭夜如何金莖沆瀣多螢排綠莎出烏帶碧雲過蘭釭明孤  
影鵲鑪焚圓和腰纖減束素眼俊見橫波誰令拈繡帶倚欄看  
渡河

寒夜吟

霜飛綠井寒無聲夜光如烟映銀屏幽州思婦憶龍城心同手  
語彈秦箏箏絃絕幽怨多風吹夢越江波越江波渺何許入君

夢山言金 卷一  
懷與君語月痕墮水曉鴉啼夢落空房淚如雨

試燈曲

日沒月當花餘霞鬪華綵蓮燈初試輝麗人早相待四衢溢遊  
人簫管起南隣擲果窺潘掾攀花賦洛神邂逅行水曲印履春  
芳綠鈿車文錦茵寶馬雕金絡星移銚影微斜月趁人歸燭映  
垂鬟轉香迎羅裏飛吳儂掩歌扇相逢不相見使君南陌頭五  
馬空留戀步幃擁青綃分頭過洛橋風光三五夜同伴早相邀

蓉湖曲

淞水漲桃花芳洲采蘭杜儂言江南樂好在蓉江渡蓉江節序  
多撥棹屢經過佳期不可駐齊唱懊儂歌湖流浩蕩連南北茵

閨蘭牖萬種色從教畫舫刻龍鱗好取朱甍垂鳳翼羅衣珠佩  
照芳春日晚湖邊多麗人黃蝶盤徊依綵衷青禽來去啄紅巾  
紅巾綵袖紛無數吳娃玉腕輕搖櫓日映花光豔晚霞烟開水  
色橫輕絮別有朱樓夾水斜停橈借問是誰家碧玉貌如玉麗  
華顏正華欄前露條脫花下撥琵琶的的容光人所羨王孫颺  
馬空留戀願作纖羅近瘦腰但愁綵扇障嬌面鸞歌鳳吹斷人  
腸鼓枻中流望渺茫一縷眉痕分月影半江衣麝雜花香春來  
春去傷懷抱不覺朱顏鏡中老芳意偏輸比目魚淚痕空效啼  
珠鳥狼籍金尊錦綺筵玉簫斑管負華年踏歌歸去逢人少兩  
雨鷺鷥沙際眠

折楊柳

春風似相識忽然渡灞橋  
灞橋兩岸柳密葉依柔  
條柔條直接建章路  
銀臺畫閣紛無數  
風輕鶯語合歡枝  
月明蝶宿相思樹  
紅樓少婦望關山  
鐵騎逡遲去不還  
隴頭春色少楊柳爲君攀  
茱萸帶拂飛襪裏  
龍雀釵垂窮窈窕  
郎如垂柳花姿似垂楊  
葉花落蚤辭枝  
葉枯豈堪折  
飛絮飄揚攪夢雲  
客華憔悴片時春  
折芳濺上千絲淚  
驛使西來好贈君

京口夜泊聞隔舫琴聲

江上月初墮七絃聲未希  
明光三十曲涼雨一時飛  
沙響老魚出渚昏寒雁歸  
成連何處覓滄海寸心違

秋江泛月歌

江妃扶月出紫雲天香瑞彩含氤氲嬋娟臨水鑒孤影七寶闌  
上嬌娥頻秋空萬里皺寒綠老兔元蟾自相逐水極星搖鑿磨  
珠糊平月帖團團玉江頭行客怨別離倚舷吹碎瓊參差紫晨  
攀磬被空碧天乳溼衣寒不知輒風壓浪鯨潭冷酣睡雌龍呼  
不醒霞彩空明盪倒光琉璃雲母空烘影迢迢京口迷秋烟隔  
舫誰人彈雁絃安得一杯瓊液酒遙勸雲中金骨仙蒼茫海色  
東方動扶桑啁晰晨雞弄柰寡姮娥自不情今宵照斷還家夢

桃葉渡曲

素波瀲灩銀塘東小疊重紋搖碧空江花玉面兩相向鏡匳照

處新妝紅雲光不動沈娥翠波底嬋娟放韶媚幽軋蘭橈雪腕  
慵棹謳驚起鵲鵲寐金須繡領紅玉春燕釵插髻扶元雲風流  
大令渡江晚差差愁浪生鯨鱗柳影蘭叢大隄上秣陵春煥波  
如掌但願郎心似水平免打橫塘逆流槳紅菱翠荇相高低祇  
今渡口成荒陂鷺鷥散去夕陽裏玉沙交頸青頭雞

旅懷

晉陵書客怨秋風青衫淚點斑斑紅紫絲鞭折蹇驢瘦長隄衰  
柳垂烟濃蹇修美人隔千里暗風吹秋天墮水旗亭痛飲金屈  
卮酒力壓愁愁不起空山蘭蕙凝愁香紅妝啼血眞珠房盲人  
不識鳳皇錦鮫人織罷藏龍箱與酣擊劍荒臺下苦霧驚沙滿

平野英雄俠骨沒蓬蒿勞勞誰念窮途者廣寒桂樹香扶疏迷  
魂夜踰金蟾蜍銀河浪高渡不得如此男兒坐鳴呃

寄衣曲

織寒衣一行眼淚織一絲機中羅紈剛一匹半是妾身淚絲織  
織成身著有幾何征夫遠戍白狼河官家賜衣不得力年年邊  
塞西風多意中裁翦稱長短別久恐教衣帶緩願得妾身如此  
衣寄向陽關不言遠阿侯幼小難把筆殷勤倩人書年月爲語  
驛使寄莫遲得及朔漠飛霜時萬一征人返鄉國此衣虛寄亦  
不惜

青溪詞



雲光不動春塘滿芙蓉墮粉蘭芽短綠溼紅鮮逐畫橈青眠  
熟金沙暝小姑向曉開新妝鸞裙鳳帶雙明璫寶匳露出照膽  
鏡花風演漾吹團光澄潭夜浸桃花月好與姮娥伴孤絕玳玳  
珊枕獨眠醒一點紅凝守宮血風車雨馬何翻躍神雅夜集叢  
祠前謝郎走馬射不得盤盤古木凝愁烟烟鬢霧鬢韶華老相  
風竿上孤星小隔溪白石自無情巫雲一夢春江曉

黃保儀掌書歌

玉軸牙籤伴朝暮鸞雲綾影澄幽素美人睡起芙蓉屏鎮薰芸  
香辟花蠹南朝新做澄心堂墨花叢裏金粉香玉纖親展簾文  
錦龜螭印紐鈴文房玉釵扶鬢紅妝靚隻影娉婷對鸞鏡從知

文采累佳人孤星夜照深宮命桂紅印臂痕不銷珠愁玉恨傷  
春宵西宮新製邀醉舞周家姊妹誇妖嬈小苑銅魚鎖寒翠班  
姬左女同憔悴咫尺蓬山無路通漫勞食盡神仙字

湘宮人折花曲

黯黯巫雲楚夢長亞枝紅影照清湘靚妝多少司花女十二屏  
山護斷香

薔薇

天然薄媚最天斜香影玲瓏近畫紗一夜東風紅露重催開七  
十二行花

澄江月夜感懷贈邵星城儲玉琴

青山澹如畫孤月千里明長風掃雲歸碧海銀河中道流無聲  
北斗橫空珠錯落寒光繞樹驚棲鵲人生得意有幾時城市山  
林儘行樂恨無百斛金叵羅酒酣對月發浩歌道逢俗子開口  
笑瘦狂奈爾癡肥何脫帽科頭鵲鵲舞興來筆力如牛弩范史  
曾傳零落方卜生自著蝦蟆賦生不得短衣射虎南山頭馬蹄  
踏草如星流又不得龍文金翅橫滄洲喚取吳娃揚桴謳男兒  
二十不稱意悲苦觸起平生愁馬坊自教諸奴子不道英雄竟  
如此世閒無復常將軍誰識溫生大才士金盡交不成薄俗還  
相輕胸中塊磊平不得裸身大叫千秋亭感君意氣握君手昂  
藏肯落他人後一笑黃公壚畔春螺贏螟蛉竟何有絲履貽璧

者寶鏡贈盲人擾擾塵中子誰能識君真君才奇絕誰與鄴州  
江波浪匡廬雲揚眉吐氣造我語相對都非儻儼人還愁兩地  
雲山隔倉雁鱗魚歎寥闊蘭陵美酒廣陵花相思共望天邊月  
時星城就館毘陵玉琴買舟維揚去矣風流雲散言之慨然

### 玉階怨

珠箔空明月影低夜深花漏冷銅蠶銀缸照見承恩字紅淚輕  
彈上赫蹏

### 夜泊山塘

一枕秋涼蘭葉風繁華舊國水煙中蓮花院落歌聲脆  
千燭影紅七里鏡塘愁越女三分璧月夢吳宮誰憐青翰舟中

客螺墨香箋賦惱公

秋夜詞

銀河水影漾琉璃七寶牕開月漸低連愛縷隨殘夢斷相思句  
帶遠愁題芳幃夜靜偎涼玉芸閣風微觸響犀牛女合離誰管  
領雕陵烏鵲汝南雞

紫磨纏臂玉搔頭少小珠娘不解愁繡閣炙笙調鳳山花盤濕  
水貯蟾鉤蕩蕪煙冷三霄露菡萏香殘七日秋蜃箔鰕簾人不  
到獨拈羅帶看牽牛

冰肌新試麝蘭湯杏子花紗貼體涼一翦香風迷迭檻半牀華  
月背邪房銀虬貯水丁丁咽鐵馬敲更細細長行過芳塘遮鳳

燭恐教鶯起睡鴛鴦

花珩無聲月杵停夜雲如水遠空青涼宵夢壓狸毛席曲院鏤  
明猩色屏酒瀉蘭尊酬七夕箋書錦字懺雙星摩訶池畔嬌無  
那怕聽風吹九子鈴

冶遊曲

紅珠斗帳蘭風微江南草長春夢稀小園蝴蝶成團飛粉香亂  
撲金縷衣

碧檻

碧檻通蘭館挑牖隱翠樓月從蓮井墮雲入錦屏流懷探支機  
石槎通聚窟洲貽椒箏院香贈芍瑣窗幽傳面龍綃粉膏鬟蘇

合油紅春一捻蓮印玉雙鉤翡翠酣春恨芙蓉夢雨稠酒綠  
薰髓釀花爲助情收嬌鳥青絲籠金魚白定甌小詞翻越調急  
拍按涼州草可名銷恨蟲應號卽頭傳釵巫女艷解珮洛娥羞  
子夜聲聲苦辛更樹樹休鷗啼金井院人上木蘭舟遠盼文禽  
會訛傳紫貝浮空房香膽怯圓鏡澹蛾愁寂寞蛩蛩夜飄零  
舊秋蝶充通夢使雁作致書郵錦軸朝彌勒新詞怨寒修銀河  
一水曲脉脉盼牽牛

採菱曲

妾家住銀塘遠塘菱葉香採菱盪漿去水共離愁長紅巾綠袖  
搖輕艣青鴨灘頭人不渡西風昨夜吹素波蘋花涼雨蘋花露

安得交四角生向耶車輪則車不得行穩醉橫塘春橫塘屈曲  
道鴈鷺驚鷺驚少莫照菱花鏡愁多顏色老爲報隴頭人歸時須  
及早

### 畫船

曲渚魚鱗浪迴堤雁齒橋繽紛張錦幔客與泛蘭橈羅幃凌波  
步瓊烟貼水飄半篙新漲闊七里淥塘遙網戶垂銀蒜玉牕嵌  
玉珎簾編湘女竹扇翦美人蕉綵絡調歌鳥珠鈴繫雪猫叩舷  
蕩葉岸解纜藕花潮迷迭含芳長蘅蕪蕪火焦繁華今好在香  
粉未全銷午夜開華宴辛房出阿嬌約黃孫壽額束素小憐腰  
粉鏡千回照雲梳百遍攢眉長勻翠黛髮膩彈珠翹彩釜猩唇



煮礪杯桂露澆風微衣解散帆轉酒鱗搖射覆圍蟲豸攤錢喝  
雉鷁怕成泥絮果休負雨雲宵促坐心相印寒帷目屢招犀筒  
銀液減蛤帳守宮銷催賜纒頭錦還留繫臂綃鴛鴦一夢覺烟  
水雨迢迢

畫屏風曲

雲母屏風蠶粉銷江南山色碧迢迢庾郎詞賦偏蕭瑟銅輦秋  
裘夢六朝

姑蘇無梁殿歌

殿純以甌石累成相傳宋南渡時所建

寶津樓起京東陌快馬輕車蓮花石土木餘殃尙未銷貝闕琳

宮藏穢骨突兀銅烏鐵鳳翔半空花雨散天香搆成馬寶千尋  
殿不用龍身百尺梁磨甃累甃推能手不識經營是誰某世遠  
宵愁蠹啄侵地靈好教獅王守亂草荒榛鳳巢高斷碑風雨認  
南朝南朝柱石今何處輸與禪宮結構半金牌十二馳飛輦風  
波三字孤臣痛萬里長城一旦傾誰與王家作梁棟此殿翻成  
識兆奇當年謎語是耶非修羅龍象空神力甲騎西來勢不支  
懺災祈福虛言爾雪窖冰天道君死譴幕千羣戰血腥宮草蕭  
條土花紫江水東流作怨聲偏隅臣構竟偷生金縢盡付明駝  
足那有餘貲給化城罡風吹盡連雲宅畫棟文楣竟何益剩得  
梅檀祇樹林猶記炎興舊年月紺宇嵯峨向日開摩挲古蹟爲

三才圖會卷之十一  
俳徊笑他大廈高如許祇有釘頭木屑材

酒僊歌

美人家住吳閶路羅韞盈盈振僊步借問當壚有幾年  
碾枕磁盃伴朝暮呼來對客笑臨風酒暈腮渦一抹紅  
癡髓神丹勻靺鞨瑤壺清露醉芙蓉妝臺珍膳餐桃李  
卯飲纔醒試羅綺自言生小住橫塘不識猩唇鯉魚尾  
橫塘漱瀉蘼蘼波象管鸞笙唱棹歌但得半江成玉液  
不辭千盞泛金螺麟臍香撲玻璃枕紅玉娥娥薦華寢  
檀奴若解迷縹緲抵得纏頭百縷錦媚眼微含似有情  
侍兒扶起倚雲屏長齋也願飯粥薄命還應嫁麴生  
一樽薰髓麴妃送瑣骨珊珊蹄花鳳盼得他年塵劫空糟邱臺

上遊僊夢撥悶拌教典鵲鵲邇來消渴長卿狂歌樓春色濃如  
酒不辨柔鄉與醉鄉

姑蘇彌羅閣天神像歌

寥陽寶閣連雲開銅烏鐵鳳高崔嵬青霓叩額通帝座稽颡神  
物憑虛來我聞明代真人出叱鬼呼星擅奇術綠章夜付小心  
風丹鑪曉鍊重瞳日鑄就狻猊噴異香混元天界眩微茫觚稜  
金爵開元闕翠眊雲旂拱紫皇羣神環侍威靈壯畫戟瑤戈屹  
相向兩面森羅狻猊裝三霄警蹕麒麟仗殊形異態窮秋毫肅  
立左右如趨朝身披虎皮血斑剝腰垂鷹翅毛森蕭當年召神  
神不怒篆字朱符不知數神龍掉尾下層雲寶馬搖韁踏寒雨

靈巖華燭光模糊百靈彷彿來馳驅  
甯而處王被金甲高襲天女投玉壺  
搏沙範土肖靈怪燒盡劫灰身不壞  
天上曾聞十二樓人閒陡現三千界  
我來排雲謁紫宮神光閃爍入眼中  
心魂炫晃難自主坐覺一氣迴鴻濛  
凭高下視如元霄珠斗闌干手堪攬  
地古常疑黑霧屯年深不怕罡風撼  
縹緲疑登白玉京翻欲跨紫鸞  
軒瑤墀碧瓦曾相識我亦星曹舊  
有名從知造物真豪縱列缺蜚廉走  
羣從手攀鐵鎖下丹梯嗒然若醒  
鈞天夢

夜探若冰洞

山氣夜冥冥陰崖守巨靈松荒聞  
鶴語洞古帶龍腥一徑破雲白  
雙峯削玉青坐來煩慮遣泉韵入  
清聽

孟蘭盆歌

昆盧灑洒荒山卷紙錢  
烽火紅酣酣青霓印額供伽藍  
左魂右魄趨趨彩蚪搖尾秋潭去  
一徑烟蘿鬼相語荒荒圓月青無  
光幽壙秋螢散如雨妖狸拜斗戴  
憫憫夜深破冢松杉秋畫弦  
淺促素管愁空山陰雲凝不流  
黑風吹霧野田下蒼鼠成羣踏  
殘瓦一派嘶聲蒿塢空鬼伯避人  
鞭石馬幽光黯黯旃檀銷郊  
原碧血悲號號山魃攫飢歸古墓  
千載冬青啼老鴟

夕泛蓉湖因訪某氏廢園

秋色在蘆花  
明湖漫斷霞  
停橈漁子渡  
看竹野人家  
古堠迷歸騎  
平林落暮鴉  
栖栖兔園客  
悵悵負年華

秋夜

老樹得秋色虛牖延夕涼幽人愛清曠躡履下高堂時當仲秋  
節異物蔚蒼蒼華星入池靜明河界天長悵悵人有懷迢迢夜  
未央松巖月色古花林露華香風景非不佳同心隔兩鄉願待  
重九日遲君醉壺觴

客館孤坐

孤坐聞西風離愁夜來積徘徊巡前除秋氣何寥寂庭延露氣  
寒池浸煙華碧冷蛩揚哀音征雁鴈歸翼景物目淒戾羈懷苦  
煎迫休文旣善病何堪長作客明日束輕裝願言理蘭櫂

吳門與顧笠舫夜話

三更青海月流影滿寒林喜與故人話不知秋夜深風威搜暗  
牖露氣冷枯琴對此感遲暮還爲遊子吟

舟中

孤客蹤無定停橈便是家水深魚跋浪霜冷雁眠沙落月澹楓  
樹疎燈明葦花懷愁不成寐斗柄又西斜

懷星城

細雨聞孤雁思君淚滿襟登樓望天末愁與白雲深蟲囀青樓  
管塵淹玉軫琴欲持丹橘贈其勵歲寒心

芙蓉墮殘露湖水澹無波不與美人共其如秋色何雁行依斷  
渚蛩語伴寒莎離思渺安託臨風時浩歌



過錦樹林弔玉京道人墓

嬌魂夜泣茱萸嶺  
淚花飄落燕支冷  
流作山根一掬泉  
冥冥照出棠梨影  
仙姬蛻去荒山巔  
衰螢如雨飛愁煙  
古臺石磴人不  
到  
土花千點圓如錢  
秦淮流水鍾山月  
斷雨零雲歸不得  
半畝黃蒿長似人  
下有舊時歌舞骨  
巖頭飄落椒花紅  
淒淒破冢吹  
桐風  
遊魂莫戀板橋路  
雌龍悲嘯秋江空  
慘澹楓林夕陽下  
蒼狸踏碎鴛鴦瓦  
一翦幽蘭帶露啼  
銷認卿家寫生畫  
向空澆酒傾銀盃  
西陵翠燭光  
熒熒風輕霧鬢渺  
何處老鴟弔月啼  
冬青

題畫

綠窗隨意綰雙鬟  
玉照臺高不上關  
病起眉痕濃似黛  
春愁都

在鏡中山

退紅衫子稱身裁凝睇無言立翠苔花意漸肥人漸瘦銷魂春  
是幾時來

秋夜詞四首

半規新月到妝樓蟬翼輕羅怯早秋忽訝一襟涼露溼銀河無  
影向人流

水紋簾影蕩瀟湘香品茶名費較量誰向風亭調鈿笛一雙驚  
起睡鴛鴦

攜將紈扇立中庭銀燭幢幢背畫屏落月闌干涼似水手拈羅  
帶數秋星

一樹青梧葉乍凋  
空簾涼鬢影蕭蕭  
階前移過三更月  
猶翦秋釐讀六朝

塘上曲

新蒲含紫茸  
奪我蓮花妍  
拔蒲不成把  
願得天見蓮  
放妾撇波去  
騎魚還洛川

織錦曲擬劉豫章

華風吹薄寒  
璧月流輕素  
樓中織錦妹  
含情朝復暮  
玉勝綴珠徽  
朱絲垂伏兔  
琤琤雜佩鳴  
簇簇金梭度  
網戶掩青苔  
秋蟲向晚催  
天寒絲縷脆  
欄高杵響哀  
橫波巧能語  
鸞蛾鎖不開  
盈盈坐綺房  
的的見紅妝  
杏子衣裾短  
蓮花裙帶長  
一叢金翡翠  
八

幅紫鴛鴦殘絲不可斷似妾愁心亂機中艷彩凝機頂流蘇顫  
髻滑鞞璚簪衫輕露粉腕細文魚子額雜寶鮫珠串翦來雲縫  
迸洗出霞光炫永夜獨含愁良人戍隴頭親以寒蟄禱兼之颺  
子裘風霜滿西塞刀尺在南樓征衣宜早寄爲倩致書郵

里巫謠

日次角尾年壬辰冬氣和且溫陰氛雨溼薰蒸鄉邑疫癘訛言  
沸騰里中一老巫能作迎神送神舞自云見鬼面目識鬼言語  
遣人迎之來戚戚涕泣告以故老巫瞠目大言鬼神但怒汝一  
巫從外來百鬼踉蹌後頭隨齒牙作光怪空屋索索陰風吹室  
中離立翁姥一一面色如土灰曰擇月之日冥鏹百萬誠當治

可憐鄉老公扶杖匍匐前致辭率眾童穉再拜稽首乞哀醜  
清酒烹黃雞家貧無肴神鑒之老巫色忽變代傳鬼神旨徧檢  
地府籍汝壽當止此我神微有權爲請上帝宥汝死鼓鑿鑿香  
烟爇風車雨馬趨且奔分肴釀金巫出門里人愁老巫樂合家  
閉門嚼復嚼東隣糶斗粟西家典破屋荒郊寡婦三日哭

夜過楓橋

湖水綠迢迢中流漾畫橈雲埋齊女墓山鎖伍胥潮狎客青颺  
馬嬌郎白瑄簫繁華看不盡乘月過楓橋

月夜

忽見高峯月光含萬里愁兼之玉關雁聲散一天秋落葉寒無

影涼雲澹不流年來豪興淺怕上庾公樓

深院

深院雙梧樹連宵作雨聲西風吹不住涼意滿江城葉脫寒蟬去巢孤俗鳥驚高齋人未寢坐待月華生

古墓

黃墟一片瘞繁華壞道年深塌淺沙魅氣著人孤拜月燐光照骨鬼思家古碑字滅苔添篆病柏根枯菌作芽猶有兒孫來上冢夕陽爭飯噪飢鴉

聞砧

我本無衣客時愁霜露侵那堪當永夜不寐聽寒砧明月關人

夢西風遊子心哀音吹不斷爲爾淚盈襟

戲塲轉韻擬薛司隸

吳趨佳麗地士女重遨遊華筵徵趙舞曲部選齊謳衣香散蘭  
閣花影護珠樓臨衢金絡擁夾道鈿車留倡女紅裙襦妖童綠  
幘鞦相逢各歛笑對面不成羞鬢髻畫鼓撾百戲迭相誇團樂  
歌扇麗周遭綵幔遮妙舞如翔鶴高髻若盤鴉帶裁鴛鴦錦袖  
織葡萄花細腰生楚國玉貌出盧家銕然蘇合油屏列蠟麝爛  
寬夕按節歌當場吹管逐細度廣陵散慢摻漁陽曲鈿笛和鳴  
鳴金槽彈續續彩仗顛流蘇假而塗朱綠漏滴玉虬寒宵深興  
未闌既躍公孫劍旋弄宜僚九袞服生光耀婉轉回宮調白雲

停不留華月低還照千回檀板敲一面紅妝笑翠釜點酥金  
壺沆瀣多桂尊陳百味猊爐焚四和姍姍曳長袖的的見橫波  
坐有多情客聞歌喚奈何

裁衣曲擬劉庶子

星光懸綺閣月華燭幽房愁人不能寐夜起裁衣裳細錦蒲桃  
纈輕羅蘭麝香鍼孔穿衫袖花枝繡襦褣初懸陽燧珠旋蒸驪  
龍燭霜落鴛鴦瓦雲度蜘蛛屋雙雙垂襟帶一一成袍複臺橫  
象牙尺榻展狸毛褥自憐纖指寒爲愴緹光促盈盈網戸前雅  
步最嬌妍紅簾一行卷茱萸半鉤懸絮用同功蟹熏將百和煙  
裁縫猶未半淚點斑斑滿不知腰大小猶記身長短雙鉤剪刀



芙蓉山館詩鈔 卷一

大

響八幅回文亂屑金塗熨斗斲玉纏簪管休同紉葛捐好代雕  
鑪煥獨夜自沈吟相思力不禁水冷雙魚杳雲高一雁沈好憑  
隴頭使寄向燕山陰胸前雙袖月千里照君心

近而不見擬王左丞

陳后長門愁班姬別宮老碧檻落衰蟄瑤階長秋草花影轉房  
櫳雲屏徹曉空霜凋庭下綠病損鏡中紅盈盈鳳樓上含情各  
相望銀蒜水精簾珠繩雲母帳絃吹趁風來西宮夜宴開舞扇  
裁圓月鉏車應博雷君恩渺何許凭欄淚如雨銀河一水閒脉  
脉隔牛女

擬宋臨江王烏夜啼曲

宵闌宮苑啼鳥起曲宴傷心白頭姊桂樹同根烏接尾當爲先  
朝念車子

前閣籠窗啼夜烏後堂花發歌萼蒲東方飛出金輿道雞竿詔  
下馳銅符

題永愁人集後

集爲邑才媛  
龔靜照著

七寶樓前侍書女身跨青鸞入瓊圃剝得紅箋一卷詩猶是九  
天珠玉吐怨雨愁風不可聽從來香粉易飄零蒿墳鬼唱魂銷  
句瑤瑟人彈腸斷聲卿家少小金閨倩白玉爲眉花作面妝開  
朝翻翡翠箋鏡臺夜洗琉璃硯東南初日照秦樓未嫁羅敷不  
解愁繡譜新描拈黛筆袂衣初試倚香簪協歌風吹嬌鬢腰帶

堂誤受紅絲聘可憐文采泥浮塵爲有才華宜薄命荊棘銅駝  
帝業殘蒼茫漢月照衰蘭靈均竟賦懷沙去弱女空闌血淚斑  
年來年去空惆悵含愁倦倚芙蓉幌悔同謝女擅風標詎意王  
郎在天壤拍碎珠徽玉軫琴此生并不過知音條條斑竹空樓  
怨萋萋紅蓮獨夜心綠窗朱戶歲華鎖微吟獨擁書城坐酒覺  
多情入夢酣花憐有劫隨風墮用集中成句一瓣心香懺上真願兒  
莫作有情人祇今蠶尾蠶眠字猶認珠啼粉泣痕燃脂弄墨文  
焉用身世淒涼爲卿勸零紅蕩漾怨東風流水桃花春一夢

流水蕩零紅

集中句也

戲釋有感

霜落荒雞咽城高急柝哀一年愁裏過萬響靜中來古樹臨風  
勁平沙蚌月開燈前看雄劍鏽澀漸生苔

冬夜寫懷三十韻和顧笠舫

寒月挂松杉光流百尺巖良朋占渙散積悶費鉏耰華嶽千峯  
躡龍牛二鳥銜燃脂翻薤篆築室貯琅函利器韜鋒鏑蛾眉避  
謗讒著鞭爭道路尋味異酸鹹並命蛩將駟攻瑕玏與城相思  
碧雲暮託意錦書緘破鞘青銅劍荒哇白木櫬途窮慙趑趄語  
拙每詎誦好古余真誤耽詩子更饒才招窮鬼愛書道墨神監  
星宿憑摘撫元黃畏刻饒高文光爛爛雅奏響淪淪燕髮嗤劉  
峻難薪效畢誠奇材儲枯朽絕力扼熊羆事業千秋在牛愁雨

地咸難謀千日醉蚤著七斤衫世味如雲薄人情類兔毳全身  
棲枳棘裹足避巉巖莫笑卮言妄休嫌筆陣僂蓉城花是倖麴  
部酒爲銜藉柯才無敵驍騰骨不儿韝鷹張健翻懸馬趁驚驅  
玉軸千緇插雕詞八寶嵌射生旗獵獵執手燭攢攢乍振衝風  
柁旋迴架海帆揭來誇軼宕崛起謝扶搖名許丹青勒歸將苓  
木劉男兒懷已遂從此老嶽嵒

舟過秣陵口號

蕭疎風柳白門灣依舊寒潮寂寞還指點夕陽紅盡處殘霞一  
抹六朝山

擣衣曲擬柳吳興

流塵垂網絲華月照中闥一片玫砧響千行玉筯啼衰螢無定  
影驚鵲不安棲愁長託牙尺夢短怨銅蠹征衣須早寄萬里白  
狼西

折花曲擬江令君

花壓蜘蛛屋香繞昔邪房嬋娟彼姝女當牖理新妝金貼圓  
的散麝點微黃衫織連枝繡裙垂七寶璫褰帷曳珠舄上砌折  
紅芳折芳好遙寄春色方韶麗風敲雕玉釵露溼織羅袂新光  
映臉霞艷霧籠雲髻上頭憐獨夢入手嫌雙蒂柔蛾繞樹飛海  
蝶縈空戲顧影獨含愁看花轉凝睇凝睇不勝情南枝帶笑迎  
羣歷紈巾影琤瑤瑤釧聲葉高粉腕怯枝慙細腰輕鬬艷雛髻

戲分香同伴爭殘花不可掃遙憶關山道雕苑落櫻桃芳汀萎  
蘭草花落花更開人愁人易老朱顏偏易改綠鬢難長好中園  
臘鴉鳴芳時知不早薄暮渭橋邊歸途趁翠煙綺霞初映水華  
月乍流天踏歌送佳節望遠惜華年願君早旋返折妾片時妍

暮雨曲

溼雲如夢柳毵毵花落黯啼酒半酣獨倚闌干聽暮雨吳娘水  
調滿江南

結客少年場行擬庾子山

青門樂遊苑佳俠少年場玉具千金飾雕弧七寶裝鞬鷹新摘  
鏃珂馬不驚香躡柳銅溝畔眠花錦瑟旁定應嘲執戟頭白賦

長楊

長歌寄顧立方朱紫崖

長風吹朔月初向南樓見把酒懷故人憑高淚如霞憶昔握手  
南城塲骨骼俊健如生猱虎頭下筆最神俊髯也磊落人中豪  
機才岳藻足驅使秦碑漢篆爭爬搔墨狂禿盡千兔頰

紫崖  
喜書

淫搦載三牛腰元長年少卿莫問昭略狂瘦公休嘲觚頂交跡  
臥虛室談空說怪譁中宵可憐此景大不易咫尺今無尺書寄  
轅駒不展追風足飢鷹尙剩凌雲氣世許才華敵古人天畱糠  
藁貽吾輩買劍將從俠客遊簪花且擁名倡醉乍學毛公隱博  
徒恥共揚雲飽奇字江南三月春草青新妝菰服照眼明高崖



破空雲淦淦獨樹臨水花盈盈早莢橋頭駐金犢櫻桃樹底啼  
流鶯短衫白帽入山去長杓巨盞當風傾胡爲局促不出戶嗟  
子畢竟非狂生周家小兒笑破齒挾鉛齋素可憐子誰能學此  
取富貴適意惟有大藥耳噫嘻乎信如卿言良足多明朝射虎  
南山阿

春晚

閉戶無來客倚然半畝宮燕歸疏雨後人坐落花中斜景明孤  
嶼芳池漾斷虹相思不可寄惆悵拂絲桐

春愁曲

鵲銼銷盡玉蕤煙怕檢芙蓉密字牋小院晝長人意倦暝雲如

絮餐花天

十里柔柔綠意酣  
漫天翠雨徧江南  
冰綃自拭纖纖紫  
夜起開  
匳飼病蠶

曉露瑤臺昨夢遙  
綠鸚喚起不勝嬌  
春寒瘦損香桃骨  
亂灑燕  
支上鏡潮

鷓鴣曲

穠穠弱柳拂銅溝  
坐樹流鶯暮愁絲  
竹滿堂誰聽汝  
隨風飛  
過望春樓

寒食詞

鵲鵲起前灘  
蒲牙抽短短  
柳色莖門寒  
煙光烘不煖  
水唱背花

歸銀簪遡鵝管

醉紅軒賞牡丹長歌和劉菽原

一庭紅雨東皇老名園芍藥

唐以前不名牡丹卽木芍藥

花開早誰教奇卉

幾晚春亂發繁英媚晴昊劉侯示我好詩句

豔碧裁紅擅詞藻

鏗鏘球磬和八音宛轉流蘇垂七寶乍展霞牋炫心目擬探苔

徑開懷抱誰其假我半日閒不辭爲花百匝繞主人有頃呼圓

丁灑掃几榻開窗櫺一邱一壑揖客入千枝萬枝照眼明亂捲

江霞色翕絕碎纈蜀錦光瓏玲朝眠未足臉潮暈卯酒欲醉瓊

酥凝張孔笑憑結綺閣尹邢愁倚琉璃屏園香步幃煙澹澹

花猶鐸風泠泠朱輪繡幃崇敬寺鷗絃鸚管沈香亭繁華過眼

幾千載忽移妙境來軒楹昨夜三更風雨急蓉城飛下催花牒  
海客高擎瑪瑙盤花工淨洗玻璃葉茜袖斑斑飛燕唾瑤壺顚  
顚艷芸泣惜豔宜將錦繡遮藏嬌莫放檀纖捻擬遲晴日借高  
軒爲約狂朋移步屨十盡紗籠絳蠟燒九宮法曲紅牙擊香家  
花發軒之南妙香小閣空潭潭黃蜂紫蝶來唼喋雛鶯燕燕爭  
話誦不如君家更奇絕猩紅歐碧回春酣擊伴好搗鸚鵡檻賞  
酒願典茱萸衫百觚莫笑飲量窄七字忽破詩腸緘主持良會  
子爲政追逐強韻吾能堪

醉紅軒賞牡丹卽席呈杲溪先生四十韻

曲院紅椒壁迴欄青漆房周遭種珍卉取次塢漫芳宿葉訓蛾

綠檀心注鑿黃翠蕤雙宛轉蚊翅五文章豐草垂長佩輕煙飾  
下裳嬌移扇影學舞鞦梁頰玉盤三疊縹紋錦七襄帶人  
殊旖旎照影轉熒煌鳳子分香倖蜂王歛蜜糧深深結綺閣艷  
艷鬱金堂賢主時相召名薦許其望邈迤邐棧閣曲折步斜廊  
採朮淵明徑吹笙向詡牀窗開銀屈戌鐸響玉丁當豔句奚啻  
小清談聖尾長金槽壓酒熟土銍焙茶良花葉千回數形骸一  
笑忘搜奇辨干鎖促坐展縹緗美景交春夏長天亂雨鳴高檐  
停急酒穠蕊炫新光僊梳三危露銀盤九蘊湯醉嬌朝日嫩浴  
顫晚風涼餘潤霑腰綵圓珠墜耳瑤阿環紅汗塵飛燕紺津香  
密綴金鈴護斜擎錦繖障崔鉗扶溷翠菱鏡照啼妝絡鎖紅鸚

鷓鴣庭延紫鳳凰詎輸崇讓宅不數驂和坊爲怕芳時晚頻催  
宴張商量及盤榻羅列備圓方香瀉薔薇露光浮琥珀觴去毛  
燕語鴨縮鷄膾河魴雜切青絲菜匙抄白玉梁調羹剉細筍作  
脯糲菲蔬終席無苛令提壺勸渴羌公平情已厚僕也醉能狂  
良會宜牢記芳華願再揚當筵抽綵筆拈韻索枯腸檀板詞三  
調瑤箋字幾行慙非瓊玖報持以壽花王

芙蓉山館詩鈔卷一

原本  
受業劉嗣綰校訂